

SOALAN NO: 41

PEMBERITAHUAN PERTANYAAN BAGI JAWAPAN LISAN
MESYUARAT PERTAMA PENGGAL KEENAM,
PARLIMEN KETIGA BELAS,
MAJLIS MESYUARAT DEWAN RAKYAT

PERTANYAAN: LISAN

DARIPADA: PUAN RUBIAH BINTI HAJI WANG

TARIKH: 13 MAC 2018

SOALAN:

Puan Rubiah Binti Haji Wang [Kota Samarahan] minta **MENTERI SUMBER MANUSIA** menyatakan kadar pengangguran terkini negara dan perbandingan dengan negara ASEAN lain dan apakah strategi Kementerian bagi memastikan angka pengangguran ini akan terus dikurangkan.

PR-1361-L05377

81

JAWAPAN

Tuan Yang Di Pertua,

1. Untuk makluman Dewan Yang Mulia ini, berdasarkan kepada Laporan Penyiasatan Tenaga Buruh, Jabatan Perangkaan Malaysia, kadar pengangguran negara bagi suku keempat tahun 2017 adalah 3.4%. Manakala, kadar pengangguran bagi negara ASEAN bagi suku kedua tahun 2017 adalah dalam lingkungan 1.2% hingga 5.7% seperti berikut:

- (a) Thailand sebanyak 1.2%;
- (b) Vietnam sebanyak 2.3%;
- (c) Singapura sebanyak 2.9%;
- (d) Malaysia sebanyak 3.4%;
- (e) Indonesia sebanyak 5.3; dan
- (f) Filipina sebanyak 5.7%.

2. Statistik ini menunjukkan negara berada pada tahap guna tenaga penuh atau "*full employment*" mengikut takrifan *Organization for Economic Co-Operation and Development* (OECD) 1999, negara yang mencatat kadar pengangguran di antara 4% hingga 6% di kategorikan sebagai guna tenaga penuh atau "*full employment*". Berdasarkan pertumbuhan ekonomi tahun semasa, Kementerian Sumber Manusia yakin bahawa negara dapat mengekalkan kadar pengangguran dalam lingkungan 3.5 %.

3. Dalam hubungan ini, bagi membantu golongan penganggur mendapatkan pekerjaan dan seterusnya mengurangkan kadar pengangguran, Kementerian Sumber Manusia (KSM) turut melaksanakan inisiatif-inisiatif berikut bagi membantu golongan ini mendapatkan pekerjaan:

(i) Penubuhan Pusat Kerjaya (*JobsMalaysia Centre JMC*) di *Urban Transformation Centre (UTC)*

JMC berperanan menyediakan perkhidmatan kepada komuniti mengenai maklumat berkaitan peluang pekerjaan, bimbingan kerjaya, pendaftaran pencari kerja, pendaftaran kekosongan jawatan, pepadanan pekerjaan, temuduga serta penempatan pekerjaan.

(ii) Penubuhan Pusat Maklumat Kerjaya (*Career Information Centre*)

Ia berfungsi sebagai "One Stop Centre" kepada pencari kerja. Pusat ini bertempat di *JobsMalaysia* yang berfungsi untuk memberi bimbingan kerjaya dan menyampaikan maklumat kepada semua pencari kerja.

(iii) Program Penempatan Pekerjaan

Penganjuran program penempatan pekerjaan yang merangkumi Karnival Kerjaya (*Job Fair*) dan temuduga terbuka telah diadakan dari semasa ke semasa bagi menemukan pencari kerja dengan majikan yang sepadan.

Tuan Yang Di Pertua.

4. Kesimpulannya, dengan penganjuran program-program yang giat dilaksanakan untuk membantu golongan penganggur mendapatkan pekerjaan, adalah diharapkan isu pengangguran ini dapat ditangani.